

Namołwa němskich biskopow k póstnej akciji Misereor 2021

Lube sotry a lubi bratřa,

štož za čas koronapandemije w swoim wšědnym žiwjenju dožiwjamy, płaći tohorunja po wšěm swěće: Trjebamy socialnu zhromadnosć. Hdžež ludžo na so džiwaja a so jedyn za druheho zasadźuje, tam móže so přichod poradzić. Smy nuznje na žiwjenski stil połneho respekta před kóždym čłowjekom a před Božej stwórbu pokazani.

Lětuša póstny akcija skutka Misereor steji pod hesłom „To dže! Hinak.“. Wona předstaja ludži, kotřiž so zhromadnje z domoródnymi cyłkami w Boliwiskej wo lěpši přichod prócuja. Při tym připodobnjeja ratarstwo mnohotnosći Amaconasoweho dešćoweho lěsa. Zhromadne žiwjenje rjaduja w přezjednosći mjez sobu a ze stwórbu. Woni su žiwi po wiziji: „To dže! Hinak.“

Tola žiwjenski rum indigenych ludow je wohroženy – hospodarskich zajimow agrarneje industrije, hórnistwa a wudobywanja zemskeho płuna dla.

Tuž płaći namołwa: Stupmy so na stronu ludži w Boliwiskej a na druhich městnach! Wuhotujmy zhromadnje póstny čas jako čas nakazanja. Prócujsmy so wo wjetšu globalnu sprawnosć – socialnje a ekologisce. Džělmy z ludźimi w globalnym juhu swoje nadźije, swoje modlitwy a swój angažement. Wutrobnje džakujemy so Wam tež za Waš wulkomyslny dar za skutk Misereor.

W Fuldže, 24. septembra 2020

Za Drježdžansko-Mišnjanske biskopstwo

+ Heinrich Timmerevers

Drježdžansko-Mišnjanski biskop